



Broj: 16-12-16-4553-5 /17
I. Sarajevo, 04-08-2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-4553/17 od 03.08.2017. godine, u postupku javne nabavke 100 pari taktičkih čizama za potrebe Državne agencije za istrage i zaštitu, direktor Državne agencije za istrage i zaštitu, donosi

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku 100 pari taktičkih čizama za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-4553/17 od 03.08.2017. godine i ugovor u postupku javne nabavke 100 pari taktičkih čizama za potrebe Državne agencije za istrage i zaštitu, dodjeljuje ponuđaču „SHOT“ d.o.o. Zenica, ponuda broj 16-12-16-4553-3/17 od 01.08.2017. godine, za ponuđenu cijenu od 21.800,00 KM bez uračunatog PDV-a.

Član 2.

(1) Ponuđač „SHOT“ d.o.o. Zenica obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Prijedlog ugovora o kupoprodaji dostavit će se na potpis izabranom ponuđaču, po proteku roka od 10 dana.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđaču koji je učestvovao u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke 100 pari taktičkih čizama za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-4553-1/17 od 18.07.2017. godine, procijenjene vrijednosti 20.000,00 KM bez uračunatog PDV-a. Postupak javne nabavke proveden je putem Konkurentskog zahtjeva, za koji je obavještenje o javnoj nabavci objavljeno na portalu javnih nabavki broj 1161-7-1-528-3-46/17 od 20.07.2017. godine, a za šta su novčana sredstva predviđena u okviru budžetskih sredstava za 2017. godinu. Za navedeni postupak javne nabavke predviđena e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16).

Komisija II za provođenje postupka nabavke (u daljem tekstu: Komisija), dostavila je Izvještaj o radu broj 16-12-16-4553/17 od 03.08.2017. godine sa preporukom o izboru najpovoljnijeg ponuđača u postupku javne nabavke 100 pari taktičkih čizama za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 01.08.2017. godine do 13,00 sati, te da se ponude dostavljaju u zatvorenoj koverti, Komisija je dana 01.08.2017. godine u 14,00 sati izvršila javno otvaranje ponude.

Blagovremeno je dostavljena jedna ponuda i to:

Redni broj	Naziv ponuđača	Vrijednost ponude (bez PDV-a)
1.	„SHOT“ d.o.o. Zenica	21.800,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđač „SHOT“ d.o.o. Zenica ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, te ekonomske i finansijske sposobnosti. Također, Komisija je utvrdila da ponuđač ispunjava i formalno-pravne uslove postavljene u Konkurentskom zahtjevu.

Komisija je aktom broj 16-12-16-4553/17 od 02.08.2017. godine od Jedinice za specijalnu podršku tražila stručno mišljenje u pogledu ocjene tehničke i profesionalne sposobnosti ponuđača „SHOT“ d.o.o. Zenica iz Konkurentskog zahtjeva. Jedinica za specijalnu podršku aktom broj 16-09-16-4553/17 od 02.08.2017. godine dostavila je mišljenje Komsiji u kojem je navedeno da dostavljena ponuda ponuđača „SHOT“ d.o.o. Zenica, zadovoljava tražene standarde u pogledu kvaliteta, operativnosti i kompatibilnosti sa ostalom opremom i uniformom koju koristi Jedinica za specijalnu podršku. Takođe je navedeno da je ponudena taktička čizma izrađena od materijala koji garantuje udobnost, dugotrajnost i otpornost na različite vremenske uslove.

Komisija je utvrdila da nije bilo moguće zakazati e-aukciju u skladu sa Pravilnikom o uslovima i načinu korištenja e-aukcije, obzirom da je u postupku javne nabavke 100 pari taktičkih čizama za potrebe Agencije dostavljena jedna prihvatljiva ponuda.

Nakon pregledanja dokumentacije priložene uz dostavljenu ponudu, Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva, konstatirajući da ponuda ponuđača „SHOT“ d.o.o. Zenica, ne podliježe primjeni preferencijalnog tretmana domaćeg, te je sačinila listu ocijenjene ponude, kako slijedi:

Redni broj	Naziv ponuđača	Vrijednost ponude (bez PDV-a)
1.	„SHOT“ d.o.o. Zenica	21.800,00 KM

Nakon sačinjavanja rang liste ocijenjene ponude, Komisija je utvrdila da ukupna ponuda najpovoljnijeg ponuđača „SHOT“ d.o.o. Zenica u iznosi 21.800,00 KM bez uračunatog PDV-a premašuje procijenjenu vrijednost javne nabavke za 1.800,00 KM (procijenjena vrijednost javne nabavke 20.800,00 KM bez uračunatog PDV-a).

Komisija je aktom broj 16-12-16-4553/17 od 01.08.2017. godine od strane Sektora za materijalno-finansijske poslove tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom od 03.08.2017. godine, dostavio je Komisiji informaciju da je moguće obezbijediti dodatna novčana sredstva za realizaciju predmetne nabavke.

Nakon provedenog postupka ocjenjivanja dostavljene ponude, te mišljenja Jedinice za specijalnu podršku i Sektora za materijalno-finansijske poslove, Komisija je utvrdila da je ponuda ponuđača „SHOT“ d.o.o. Zenica ocijenjena kao najpovoljnija ponuda.

Shodno navedenom, prihvaćen je prijedlog Komisije i odlučeno je da se ugovor u postupku javne nabavke 100 pari taktičkih čizama za potrebe Agencije, dodijeli ponuđaču „SHOT“ d.o.o. Zenica, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču,
- Sektoru za mat.-fin. poslove,
- a/a.

